

O LE KERISO SOIFUA

O LE MOLIMAU A LE AU APOSETOLO
O LE EKALESIA A IESU KERISO O LE AU PAIA O ASO E GATA AI

Ao tatou faamanatuina le soifua mai o Iesu Keriso i le lua afe tausaga talu ai, matou te tuuina atu la matou molimau i le moni o Lona soifua lē mafaatusalia ma le aoga e lē gata mai o Lana taulaga togiola sili. E leai lava se isi ua i ai se aafia ga matua loloto na'uā o i latou uma na soifua ma o le a soifua ai i luga o le fogaelele.

O Ia o le Ieova Silisili o le Feagaiga Tuai, o le Mesia o le Feagaiga Fou. O Ia o lē na foaoaina le lalolagi, i lalo o le taitaiga a Lona Tama. "Na ia faia mea uma lava; e leai foi se mea e tasi na faia e le i faia e ia" (Ioane 1:3). E ui ina leai se agasala, ae na papatisoina o Ia ina ia faataunu ai le amiontonu uma. Sa "femaliuai o ia ma agalelei" (Galuega 10:38), ae na lē amanaiaina o ia. O Lana talalelei o se savali o le filemu ma le agalelei. Na ia augani mai i tagata uma ina ia mulimuli atu i Lana faataitaiga. Na ia femaliuai i auala o Palesitina, e faamalolo i e mama'i, faapupula i e tauaso, ma faatutu mai e na oti. Na ia aoao atu upumoni o le faavavau, o le tulaga moni sa tatou i ai i le muai olaga, o le faamoemoega o lo tatou ola ai i le fogaelele, ma le tulaga e mafai ona ausia e atalii ma afafine o le Atua i le olaga a sau.

Na Ia faatuina le faamanatuga e avea ma faamanatu o Lana taulaga togiola sili. Na pue faapagotaina o Ia ma faasalaina i ni tuua'iga sese, na ta'usalaina ina ia faamalie ai le motu o tagata, ma faasalaina i le oti i luga o le satauro i Kalevario. Na Ia tuuina atu Lona soifua e togiola ai agasala a tagata uma. O Lana [taulaga] o se meaalofa sili foafua mo i latou uma e soifua mai i luga o le fogaelele.

Matou te ta'utino atu i upu ma le faamaoni a'ia'i, o Lona soifua, lea e totonugalemu i le talafaa solopito o tagata uma, e le'i amataina mai i Peteleema pe faaiuina foi i luga o Kalevario. O Ia o le Ulumatua a le Tama, o le Alo Pele e Toatasi i la le tino, o le Faaola ia o le lalolagi.

Na toe tu mai o Ia mai le tuugamau e "avea ma faapololo o e ua momoe" (1 Korinito 15:20). I Lona tulaga o se Alii Toetu, na Ia asiati atu ai ia i latou na alofagia e ia i le olaga nei. Na ia asiati atu foi i isi o Ana "mamoe" (Ioane 10:16) i Amerika anamua. I le lalolagi i nei ona po, na faaali atu ai o Ia

ma Lona Tama i le taualea o Iosefa Samita, i le amataga o le oo mai o le "sauniga i le faaatoaga o tausaga" (Efeso 1:10).

Na tusia e le Perofeta o Iosefa e faatatau i le Keriso Soifua, "O ona fofoga e pei o le afi mumu; o lauao o lona ao e sinasina e pei o le kiona mama; a e sili le pupula o ona fofoga i lo le pupula o le la; ma o lona siufogaga e pei o le taalili o vai tetele, o le siufogaga lava o Ieova, ua faapea mai:

"O a'u lē muamua ma lē mulimuli; o a'u o lē o loo ola, o a'u o lē na fasiotia; o a'u o lo outou fautua i le Tama. MFF 110:3-4."

Na folafola mai foi e le Perofeta e uiga ia te Ia: "O lenei, ina ua uma ona faia molimau e tele e uiga ia te ia, o le molimau tupito mulimuli lenei i mau uma lava, mā te faia ia te ia: O loo soifua o ia!

"Aua na mā vaia o ia, i le itu taumatau lava o le Atua; na mā faalogoina foi le siufogaga o molimau mai o ia lava lea o lē Toatasi na Fanaua e le Tama.

"E mai ia te ia, ma ui mai ia te ia, ma o ia, na foaoaina ai lalolagi uma, o ē nonofo ai foi o atalii ma afafine na fanaua e le Atua." (MFF 76:22-24).

Matou te folafola atu i upu ma le faamaoni a'ia'i, ua toefua-taiina mai i le fogaelele Lana perisitua ma Lana Ekalesia—"ua atina'e i luga o le faavae o le au apostolo, atoa ma le au perofeta, o le maa tulimanu o Iesu Keriso lava lea" (Efeso 2:20).

Matou te ta'utino atu o le a i ai se aso e toe afio mai ai o Ia i le lalolagi. "Ona faaalia mai ai lea o le pupula o Ieova, e vaaia lava e tagata uma faatasi" (Isaia 40:5). O le a pule o Ia o le Tupu o Tupu ma nofotupu foi o le Alii o Alii, ma o le a tootutuli tulivae uma ma tapua'i laulaufaiva uma ia te Ia. O le a tatou tutu atu taitoatasi ina ia faamasinoina e Ia e tusa ma a tatou galuega ma manaoga o o tatou loto.

Matou te molimau atu, i le avea ai ma Ana Apostolo ua faauuina i le ala e tatau ai—o Iesu o le Keriso Soifua, o le Alo tino ola pea o le Atua. O Ia o le Tupu silisili o Emanuelu, o loo afio i le taimi nei i le itu taumatau o Lona Tama. O Ia o le malamalama, o le ola, ma le faamoemoega o le lalolagi. Ia faafetaia le Atua mo le meaalofa lē mafaatusalia o Lona Alo paia lea.

O LE AU PERESITENE SILI

Thomas M. Morgan
James H. Davis

1 Ianuari, 2000

O LE KORAMA A LE TOASEFULULUA

Bryant Parker
L. Tom Perry
Doris Bishop
Neal A. Maxwell
Russell M. Nelson
Dallin H. Oaks

M. Russell Ballard
Joseph B. Wirthlin
Richard G. Scott
Gerald D. Holt
Jeffrey R. Holland
Henry B. Eyring